

**JUAN MARIA OTEGI JAUNA  
EUSKADIKO KUTXAKO BURUA**

*Jean Haritschelhar,  
euskaltzainburua*

Agur Otegi jauna:

Euskaltzaindiak 1918. urtean sortu zenetik, izugarrizko lana egin du euskararen alde. Garai batean bere esku zeuden ez bakarrik normatibizazioa, bai zik eta euskararen zabalkundea ere. Hegoaldean autonomia lortu zenetik, Akademiaren lana normatibizazio lana da, eta badu zereginik arlo honetan. Eskuaratean ditugun proiektuen artean honako hauek aipatuko nituzke:

- *Orotariko Euskal Hiztegia.*
- *Hiztegi Batua.*
- Euskaltzaindiaren *Euskal Gramatika.*
- *Euskal Herriko Hizkuntz Atlasa.*
- Onomastikako lanak.

Bestalde, Euskaltzaindiaren lanak sekula ez dira bukatuko, hizkuntza guztiak biziak dira, eta euskaraz ez da salbuespen.

Baina lan erraldoi hau oso motel doa, Euskaltzaindiak ez du egiturarik ezta finantza-baliabiderik euskararen beharrei garaiz erantzuteko. Egoera hau gainditzeko, Euskaltzaindiak berak eta gero aipatuko dizudan taldeak Euskaltzaindiaren Alde Fundazioa sortzea erabaki dute. Fundazioaren eginkizunen artean hauek lirateke aipagarrienak:

- Euskal gizarte osoa, Hegoaldea eta Iparraldea, baita diaspora ere, Euskaltzaindiarekin konprometitzea.
- Euskaltzaindiari gestioan eta proiektuetan laguntzea.
- Fundazioarako kapitala lortzea enpresa, profesional eta gizartearengandik.
- Fundazioaren finantza-kapitala kudeatzea.
- Fundazioaren urteroko etekinak Euskaltzaindira bideratzea.
- Euskaltzaindiaren aginduz proiektu berriak burutzea.

Hau guztiau lortzeko, eta Fundazioaren sorrera laguntzeko batzorde laguntzailea antolatu dugu partaide hauekin:

- Jose Antonio Ardanza. lehendakari ohia.
- Roger Etchegaray Kardinala.
- Pedro Miguel Etxenike.
- Eduardo Chillida.
- Federico Mayor Zaragoza.
- Jean Haritschelhar, euskaltzainburua.

Fundazioaren patronatua Euskaltzaindiak, Fundazioaren batzorde laguntzaileak eta enpresa haundien ordezkariak osatuko dute.

Hau guztiau Euskaltzaindiaren Alde txostenean dator.

Gure ustez ezinbestekoa da Euskadiko Kutxa proiektu honetan sartzea, eta Fundazioan fundatzaile eta patronatukide gisa azaltzea.

*Bilbon, egoitzan, 2000-II-24*